

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 18.06.2018թ. թիվ 1808148460 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<< 19 >> 07 2018թ. 17-13-81795-18/17-13-9243

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Կարեն Հովհաննեսի Զատիկյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Շիրակի մարզի Արթիկ քաղաքի Լմբատ 1-ին թաղամասի 12 շենքի 5 բնակարանի բնակիչ Կարեն Հովհաննեսի Զատիկյանը դիմումով հայտնել է, որ <<HYUNDAI>> մակնիշի 35PX486 հաշվառման համարանիշի տրանսպորտային միջոցը վարել ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 18.06.2018թ. թիվ 1808148460 որոշումը՝ նշելով, որ լուսացույցը տեսանելի չի եղել:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Կարեն Հովհաննեսի Զատիկյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

Երևան քաղաքի Արտաշիսյան - Բագրատունյաց փողոցների խաչմերուկը կահավորված է համապատասխան լուսացույցներով, որոնք համապատասխանում են ՀՀ կառավարության 26.10.2006թ. N 1699-Ն որոշման պահանջներին և տեղադրված են վարորդների համար տեսանելի վայրերում, որոնց չնկատելը չի կարող անձին ազատել վարչական պատասխանատվությունից:

Ճանապարհային ոստիկանության 18.06.2018թ. թիվ 1808148460 որոշման մաս կազմող իրավախախտումն ամրագրամ տեսանյութից հստակ երևում է, որ <<HYUNDAI>> մակնիշի 35PX486 հաշվառման համարանիշի տրանսպորտային միջոցի վարորդը 25.05.2018թ-ին ժամը՝ 09:39-ին Երևան քաղաքի Արտաշիսյան - Բագրատունյաց փողոցների խաչմերուկ մուտք է գործում լուսացույցի կարմիր ազդանշանի ներքո, իսկ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործման արգելող անսարքությունների ու պայմանների ցանկը սահմանելու մասին>> թիվ 955-Ն որոշման 7-րդ կետի 5-րդ ենթակետի համաձայն՝ կարմիր ազդանշանը, այդ թվում նաև՝ թարթող, արգելում է երթևեկությունը (կարմիր ազդանշանի գործողության ավարտին մնացած ժամանակի մասին (վայրկյաններով) վարորդներին և հետիոտներին տեղեկացնելու համար կարող են կիրառվել թվատախտակներ):

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների եւ ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ

կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Դիմումատուի արաքում առկա են զանցակազմի բոլոր հատկանիշներն, այդ թվում՝ մեղավորությունը և տվյալ դեպքում դրա դրսևորման ձևը՝ դիտավորություն թե անզգուշություն, չի կարող ազդել արարքի որակման վրա:

Այսպիսով դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի հատկանիշները, ուստի վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Կարեն Հովհաննեսի Զատիկյանի՝ Ճանապարհային ոստիկանության վարչական տույժ նշանակելու մասին 18.06.2018թ. թիվ 1808148460 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Կարեն Հովհաննեսի Զատիկյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Կարեն Հովհաննեսի Զատիկյանին և ՃՈ ՏՄՀԽԱ կենտրոն:

